

Pol da Tesalonaika Amin do Papia 2 Mandagit

But piso gen

Tesalonaika paŋmuwukbi uŋun Kristo ae tobil apjak bisapmon yo ni da noman tokdaŋ yaŋ do nandak nandak morapmi awit. Paŋmuwukbi diwari da Amin Tagi dakon Gildat kili noman tak yaŋ yawit. Aŋakwa diwari da uŋun nandaŋek pi dima aŋek jomjom gin aŋek egipneŋ yaŋ nandawit. Do Pol ae Sailas ae Timoti gat da nandak nandakni paŋmilip ak do aŋek papia on mandawit.

Pol da uŋun bisap dima noman tak yaŋ yosok. Mibiltok miŋat aminyo kwen wigik aŋakwa yokwi morapmi noman tokdaŋ. Aŋakwa gen teban pabiŋ yop amin kinda noman taŋek Kristo do uwal madepsi akdisak.

Pol da miŋat aminyo nandaŋ gadaron tebai agek jigi pani do yoyigit. Pol iyi gat ae pi isalni gat da iyi dakon naŋ potni do pi tebai aŋ, yaŋ gin ani do yoyigit. Pi ak do dima kurak toni, ae amin paŋpulugok do dima kurak toni do yoyigit.

Amin Tagi don apdisak

(Kilapmi 1–2)

1 ¹Pol, Sailas, ae Timoti nin da paŋmuwukbi Tesalonaika kokup papmon ekwaŋ ji do papia on mandamaŋ. Ji Piŋkop Datnin ae Amin Tagi Yesu Kristo gat kili gadawit. ²aPiŋkop Datnin ae Amin Tagi Yesu Kristo dakon nandaŋ yawotni ae but yawotni jikon tosak do bisit amaŋ.

Tesalonaika amin jigi bisapmon tebai akgaŋ

³Not kabi, nin bisapmi bisapmi ji do nandaŋek Piŋkop ya yaŋ iyamaŋ. Yaŋ amaŋ uŋun da tagisi, nido nandaŋ gadatji uŋun pap taŋek teban tosak, ae ji morap kalon kalon notji do but dasi galak taŋ yomyom aŋpak uŋun sigin pap taŋ aŋaŋ kisak. ⁴bMibili yaŋ do nin Piŋkop dakon paŋmuwukbi morapmon agek ji dakon man pawikwamaŋ. Aŋek uwal da yokwi aŋdamaŋ ae jigi morap paŋ uŋun do yoyiŋek yaŋ yomaŋ,

^a 1.2 Ro 1.7 ^b 1.4 2Ko 7.4; 1Tes 2.19

“Tesalonaika amin unun tebai agek nandan gadatni tebai abidanek jigi ae tepmiyo morapmi panj.”

Piņkop anpak kilegikon da nin kokwinikdak

⁵Unun yo morap noman tanj daman unun da nin yan nolisak: Piņkop kokwin kilegi gin asak. Ji Piņkop da Aminon Kila Asak unun aba pidok do anek tepmi unun do panj. Ae Piņkop da ji panpuluganban kilek tanek aminon kila asak da kagagwan tagi egipni. ⁶Piņkop da gen kokwin kilegisi asak, do jigi daman amin unun kobogi do jigi iyi yomdisak. ⁷Ae jigi abisok panj unun panyawot anakwan yawori egipdan, ae ninyo kisi yan gin. Amin Tagi Yesu aneloni tapmimi tonj gat ae kindap teban gat Kwen Kokup yipman degek noman tosak bisapmon Piņkop da yo yan akdisak. ⁸Yesu piņek Piņkop dima nandan iman amin gat ae Amin Taginin Yesu dakon Gen Bin Tagisi dima yolgan amin gat kisi yo yokwisi anyomdisak. ⁹Unun amin kobogi yokwisi yan ban pakdan: Amin Tagi gat ae tilimni tapmimi tonj unun da dubagisikon egek bisap dagok dagogi mini wagil yokwisi egipdan. ¹⁰Amin Tagi si apjak gildaron amin kabini nandan gadan imgwit unun da man madep iminek madepsi ankisini do anek apdisak. Jiyo kisi unun gat egipdan, nido nin da Piņkop dakon gen dayino nandaba bamisi agit.

Piņkop da Tesalonaika amin panjteban asak do bisit anj

¹¹^hJigi tepmiyo noman tanj damdan nin unun do nandanek Piņkop da ji panpulugosak do bisit yipman deri mini aman. Nin Piņkop da panpuluganban anpak ani do yan damgut unun aripmi tagi ani do nandaman. Nandan gadaron da pi morap ak do nandan, ae anpak tagisi morap ak do nandan unun Piņkop da tapmim daban ani do bisit aman. ¹²Yan anek Amin Taginin Yesu dakon man awigini, ae unun da ji dakon man kisi awigisak. Piņkopnin gat ae Amin Tagi Yesu Kristo gat da nandan yawok daminjakwan yo morap unun jikon tagi noman toni.

Gen teban yapyap amin noman tokdisak

2 ¹Not kabi, Amin Taginin Yesu Kristo aeni tobil apban unun gat muwutdaman unun do dayikdaman. Ji mirak pakyansi yopni do tebai dayaman. ²Amin Tagi dakon gildat kili abik dakon gen di nandani kan, dima wiripdagek pasolni. Amin kinda da kombi gen yanek, bo ae Piņkop gen yan tenjtanek, bo ae nin da papia kinda mandanek Amin Tagi kili abik yan yipguman yan amin da dayinba kan, geni dima nandan yomni. ³Yum pindagakwa amin di da kosit mibili mibilikon da ji dima

^c 1.6 Ro 12.19 ^d 1.7 1Tes 3.13 ^e 1.8 Ais 66.15 ^f 1.9 Ais 2.10 ^g 1.10 Kol 3.4
^h 1.11 Kol 1.9; 1Tes 1.2-3 ⁱ 2.3 1Ti 4.1; 1Jn 2.18; 4.3

paŋkewalni. Nandani, uŋun gildat tepmi dima noman tokdisak. Mibiltok amin morapmi da kwen wigik aŋek Piŋkop manji imdaŋ, ae gen teban yapyap amin noman tokdisak. Uŋun amin Tipdomon pigisak do parekbi. ⁴Jamin da yo morap gawak yomiŋek piŋkopnin yaŋ yoŋ uŋun do uwal akdisak. Uŋun yo morap pabiŋ yopmaŋek iyi dakon man awigikdisak. Aŋek Piŋkop da Telagi Yut Madepmon pawigi yiŋek “Nak naga Piŋkop” yaŋ yokdisak.

⁵Nak ji gat egipgumaŋ bisapmon uŋun do kili dayigim. Ji uŋun kili iŋtawit, ma? ⁶Yo ni da gen teban yapyap amin kosit sopmaŋ imiŋakwan tepmi dima noman tosok uŋun disi nandaŋ. Ni bisapmon noman togi uŋun bisapmonsini noman tokdisak. ⁷Abisok gen teban yapyap aŋpak uŋun pasilikon da asak. Pasilikon taŋakwan don Piŋkop da bikbik imiŋakwan noman tokdisak. ⁸Uŋun bisapmon gen teban yapyap amin da noman tokdisak. Noman taŋban Amin Tagi Yesu da iyi dakon gen migan naŋ aŋakban kimotdisak. Amin Tagi tilim gulgwani gat abiŋ noman taŋek uŋun dakon teŋteŋi da gen teban yapyap amin obisi aŋupbal akdisak. ⁹Gen teban yapyap amin uŋun noman taŋek Sunduk da tapmimon da amin paŋkewal do wasok tapmimi toŋ mibili mibili gat ae yo masi masimi mibili mibili akdisak. ¹⁰Paŋkewal yokwisi mibili mibilikon da wagil tasik tokdaŋ amin baŋ paŋkewaldisak. Uŋun wagil tasik tokdaŋ, nido gen bami but dasi abidaŋek yokwikon da pulugaŋ kik do dimasi galak tawit. ¹¹Do top gen do nandaŋ gadani do aŋek Piŋkop da nandak nandakni madepsi paŋupbal akdisak. ¹²Aŋakwan amin morap gen bami dima nandaŋ gadaŋek aŋpak yokwi ak do madepsi galak tawit amin uŋun gen pikon atni bisapmon kobogi yokwisi timitdaŋ.

Piŋkop da ji yokwikon baŋ timit do kili manjiŋgit

¹³^mMani not kabi, Amin Tagi da ji do but dasi galak taŋ damisak. Nin toktogisi ji do nandaŋek Piŋkop ya yaŋ iyineŋ yaŋsi nandamaŋ. Nido Piŋkop da yo morap dima wasaŋban noman taŋakwa ji yokwikon baŋ timit do kili manjiŋgit. Telagi Wup da ji paŋtelak aban gen bami nandaŋ gadaŋba uŋun kosiron da ji yokwikon baŋ timiŋgit. ¹⁴Uŋun Amin Taginin Yesu Kristo dakon tilim madepni da kagagwan egipni do nandisak. Yaŋ do aŋek Gen Bin Tagisi nin da yaŋ teŋteŋagimaŋ uŋun da ji kili yaŋ damgut. ¹⁵Do not kabi, ji tebai atni. Piŋkop dakon gen nin da dayiŋ teŋteŋagimaŋ bo ae papiakon da mandaŋek dayiŋ dekgimaŋ uŋun guramik kimotnisi.

¹⁶Amin Taginin Yesu Kristo gat ae Piŋkop Datnin gat da nin do but dasi galak taŋ nimamal. Aŋek nandaŋ yawok nimisak do aŋek toktogisi

J 2.4 Esi 28.2; Dan 11.36 ^k 2.8 Ais 11.4; PA 19.15 ^l 2.9 PA 13.11-13 ^m 2.13 Ep 1.4; 2Tes 1.3

butnin paŋteban aban tagisi tosoĸ, ae nin paŋpulugaŋban nandaŋ gadat aŋek Piŋkop da yo tagisi aŋ ninjak do jomjom aman. ¹⁷Uŋun da butji paŋteban aŋek paŋpulugaŋban aŋpak tagisi morap aŋek gen tagisi baŋ yoni dosi nandamaŋ.

Tesalonaika amin pi akdo kuragi nandaŋ uŋun paŋmilip ani *(Kilapmi 3)*

Piŋkop da nin paŋpulugosak do bisit ani

3 ¹Not kabi, nin mibi genin uŋun yaŋ: Ji Piŋkop da nin paŋpulugosak do bisit ani. Aŋakwa Amin Tagi dakon gen da tepmisi kiŋ ireŋ taŋakwan ji da geni do nandaba wiġiġit uŋudeŋ gin amin da yaŋ gin nandani. ²Ae Piŋkop do bisit aba nin amin yokwi da kisiron baŋ timitjak. Ji disi nandaŋ, amin morapmi Kristo dima nandaŋ gadaŋ imañ. ³Mani Amin Tagi gen yosok uŋun dimasi yapmaŋdak. Uŋun da ji paŋteban aŋek kilasi tagisi aŋakwan Yokwi Ami da jikon yo kinda ariŋmi dima asak. ⁴Ae Amin Tagi da paŋtagap aban aŋpak morap ani dosi dayiġimaŋ uŋun aŋ yaŋsi nandamaŋ. Ae don kisi yaŋ gin akdaŋ yaŋsi nandamaŋ. ⁵Amin Tagi da nandak nandakji paŋtagap aban Piŋkop da amin do but dasi galak tosoĸ aŋpak gat, ae Kristo da tebaisi ageĸ jiġi paġit uŋun pakyañsi nandaba piŋsosak dosi nandamaŋ.

Amin kisi morap pi anisi

⁶Not kabi, Amin Taginin Yesu Kristo da manon gen tebaisi yaŋ dayamaŋ. Paŋmuwukbi not diwari jap pi ak do pi do kurak taŋek isalsi egeĸ nin da gen damgumaŋ dima guramiĸgaŋ kaŋ, ji uŋun amin da dubagikon egipni. ⁷Ji disi nandaŋ, nin dakon aŋpak yol kimotni kaŋ tagisi. Ji gat egipgumaŋ bisapmon, isalsi dima egipgumaŋ. ⁸Amin da kisiron jap di isalsi dima timiĸgimaŋ. Nin si yumgumaŋ. Jiġi dima damneŋ yaŋ do gildari ae kalbi pi tebaisi agimaŋ. ⁹Jikon jap dima timitneŋ yaŋon da dima. Jap nimnisi do tagi dayinom, mani yaŋ dima agimaŋ. Nido, aŋpak tagisi disi yolek ani, nin uŋun dolik do aŋek uŋun do yaŋ agimaŋ. ¹⁰Disi nandaŋ, ji gat sigin egipgumaŋ bisapmon yaŋ dayiġimaŋ, pi dima ak do nandisak amin, uŋun jap dima nosak.

¹¹Mani, abisok jikon amin diwari isalsi ekwaŋ dakon geni nandamaŋ. Pi kinda dima aŋ. Uŋun amin diwari da egip egip niaŋ aŋ uŋun dakon geni baŋgin yaŋek ekwaŋ. ¹²Amin Tagi Yesu Kristo da manon da uŋun

ⁿ 3.4 2Ko 7.16; Gal 5.10 ^o 3.6 Ro 16.17 ^p 3.7 Pil 3.17 ^q 3.8 1Tes 2.9 ^r 3.9 1Ko 9.4; 1Tes 1.6 ^s 3.11 1Ti 5.13 ^t 3.12 1Tes 4.11

amin do gen tebaisi yan yomaman, unun egip egipni panjkilek anek iyi dakon kila ak do pi an kimotni. ¹³“Not kabi, anpak tagisi ak do dima kurak toni.

¹⁴Amin kinda gen morap on papiakon mandaman unun dima guramitjak kan, unun amin yan amin kinda yan kokwinikba agakwan, ji unun da dubagikon egipni. Yan anakwa mayagi pasak. ¹⁵“Unun uwalnin yan nandan imni yanon da dima yoman. Unun notnin yan nandan iminek, nawa gen iyini.

Pol dakon gildatni tagi

¹⁶Amin Tagi but yawot ami, toktogisi yo morapmon butji panyawot aban butji yawori tosak, ae ji morap gat kisi egipjak do bisit aman.

¹⁷Nak Pol, nak da naga ji do gildat tagi mandisat. Papia morap mandisaron gen oden ban mandisat. Unun nak dakon papia dakon tilak asak.

¹⁸Amin Taginin Yesu Kristo dakon nandan yawotni ji morap kisikon tosak do bisit aman.

^u 3.13 Gal 6.9 ^v 3.15 1Tes 5.14